

GAACI: Fiyande Baaba Maal e Kolommbus Ohaayo!

Soumis par HADY ANNE

24-06-2010

DerniÃ`re mise Ã jour : 24-06-2010

Baaba Maal e daande leñol ena njokki haa jooni e lappol mum'en to Dowlaaji DentuWi Amerik. •e kirjinii ñalde njeslaare 16 korse 2010 hiirde

molanaande moolee to e Kolombis Ohaya Dowlaaji DentuWi Amerik. Hiirde ndee waWWaa ko hakkunde wuro kolombis nokku biyateeWo Newport Music Hall, saal jajWo gameteeWo, jimeteeWo Wo gaacyankooSe Kanaaji keewii hawritde ena kirjina jammaaji belWi, teskinWi.

Hiirde ndee fotnoo fuWWaade ko waktu 7bo kono Jaalal leñol feeñi ko waktu 9 pawWo taw yimSe See puWWiima haSde. Nde Baaba naati diKiral gal ena wonti Farba Mansuur Diine gawlo taanum Farba baggel no Baaba Maal wiyri, yiWSe ngulli, kelle njahdi e buubaaji, Baaba jooWi, fooWi Gitaar mum fuWWii tunngude "Pennda Neene am tiiWno; tiiWno-Wa e suudu ma, tiWnoWaa e jom galle maa, kono tiiWno Waa e leñol maa", jimol ngol ena yurminii, ena regii nde o gayni jimol ngol o firi faandaare jimol gol, e Wemngal engeleere, O wiyi alaa fof Wo leñol, leydi walla aduna o Samtortoo tawa wona rewSe e sukaaSe Samti-Wum. Ko Wum wadi yoo yimSe fof mballu Se ngam nawde aduna oo yeeso, ´elitde e Samtude Wum.

Ina hiira huunde ndee ena Seydoo welde!

Baaba sifiima golle tiiWWe o waWdi e terWe Daande Leñol, mo woni kala o haali Wo o ummodii e mum, Wo Se ndewdi, korsa joom mum e ko o waWata koo. Gooto e maSSe fof ena anndi Wo Suri waawde ñiiklude Baaba Maal kono nde o wulli innde Diine Gawlo, o dee´ti ko juuti, yimSe See mbiyi tem keWtii. O Samti daande o wiyi cehilaagal so juuti Allah ena welaa kono goonga ena tawaa. Gila hay batte min ngonaani haa jooni, min ngondii e nguleeki, e jaangol, Mansuur mo yiWirtaa dañal, añirtaa baasal kono Mansuur wona sehil maako ko Siyi yumma makko, sibu ñalde o sakkittooyide yumma makko, Aissata Sammba Buubu Yaasin Waddu, omo waynoo yahde Farayse ngam beydoyde jaKnde, Neene makko namdii-mo so tawii ko kanko Mansuur njahdata.

Baaba jaabii : hol no Wum wonirta ? Min ko mi jaKgoyoowo, mi alaa hay batte hay paas komi joSanaado, mi naworaa kadi Mansuur, neene makko wiy-mo: cikkatnoo-mi kala Wo mbaawWa wonde ko e Mansuur ngondataa, Baaba meeWaa yejjitde ngol kongol etee omo reeni kaan haala etee Mansuur hokkiimo ko waawa teettude so innirde mo SiWWo. Teskaade kala ganduWo Baaba anndidii-mo e Mansuur Sek.

Baaba Maal holirii kadi kawisaaji hoddu, omo halda e mayru, Baru Saal ena tunnga cewWi ena nduusa karlaaWi ena jaaboo-mo. Pulaar wiy ko maayi so haali so yurminaaki ena hulSini-ma.

NeWWo noon so yettii Allah ena foti yettude sabaabu ko e Wii konguWi ceniiWi Baaba Maal rutti teddungal ngendiyankooSe leñol fulSe o limtii MurtuWo, Saydu Kaan, Yero Dooroo ekn.... sibu so pulaar yettiima hannde Wo yettii Woo juuWe maSSe ena heen njejaa.

Baaba waynii kañum e Daande Leñol kono yimSe See ngulli mbiyi njoonaaka: o arti, o mo yima "Jamma jenngii koode ñaarii, ndoogu foynii, miin e maa tan keddinoo Woo jooWo njewten"; yimSe See ena jaSanamo.

So ko goonga Skorpa wiy : Rap o ena hanagaa;

Miin mbiimi ko hiirde nde ena haangaa .

KuWol Haadii Aan, nulaaWo dariiWo PULAAGU.COM to Kolommbus, OHIO

{mosloadposition facebook}

{mosloadposition disclaimer}

{mosloadposition adsense}